

**KARATE SAVEZ BOSNE I HERCEGOVINE  
КАРАТЕ САВЕЗ БОСНЕ И ХЕРЦЕГОВИНЕ  
KARATE SAVEZ BOSNE I HERCEGOVINE**



**PRAVILNIK O RADU  
SUDIJSKE KOMISIJE**

**Sarajevo, 08.10.2020. godine**

Na osnovu člana 29 Statuta Karate saveza Bosne i Hercegovine Upravni odbor Karate saveza BiH, dana 08.10.2020. godine donio je

## **PRAVILNIK O RADU SUDIJSKE KOMISIJE**

Ovim pravilnikom se uređuje način izbora, sastav, nadležnost i ovlaštenja Sudijske komisije. Propisuju se sudijska zvanja u Karate savezu Bosne i Hercegovine, dužnosti i obaveze članova sudijske organizacije. Organizacija školovanja i stručnog usavršavanja, sticanje i licenciranje sudijskih zvanja. Delegiranje sudija za službena prvenstva i sva ostala takmičenjima iz kalendara Karate saveza BiH, BKF, EKF i WKF. Postupak i način ocjenjivanja sudija. Saradnja sa sudijskim komisijama entitetskih Karate saveza, Sudijskim komisijama Nacionalnih Karate saveza, sudijskim komisijama BKF, EKF i WKF.

### **1. SASTAV KOMISIJE**

- 1.1. Sudijska komisija (u daljem tekstu Komisija) se sastoji od 5 (pet) članova, uključujući Predsjednika komisije, koji su iz reda sudija sa visokim sudijskim zvanjima (WKE, EKF, „starije“ državne sudije). Komisiju bira Upravni odbor Karate saveza Bosne i Hercegovine .  
Vrijeme trajanja mandata članova Sudijske komisije je 4 (četiri) godine.
- 1.2. Komisija imenuje sekretara, koji obavlja administrativne poslove a u dogovoru sa Predsjednikom Komisije obavlja i ostale poslove vezano za Komisiju.

### **2.OBAVEZE I OVLAŠTENJA**

- 2.1. Komisija je odgovorna za školovanje sudija i njihovo angažovanje na takmičenjima u Karate Savezu BiH i svim međunarodnim takmičenjima u zemlji i inostranstvu.  
Komisija imenuje predavače na seminarima i članove komisije za provođenje ispita za sticnje zvanja ili licence.
- 2.2. Komisija je dužna da održava standarde suđenja, jednoobrazno tumačenje i primjenu Pravila.
- 2.3. Komisija određuje listu Vrhovnih sudija iz reda sudija sa najvišim sudijskim zvanjima. Vrhovne sudije u skladu sa pravilima takmičenjima imaju status Komisije. Komisija putem vrhovnog sudije i šefova borilišta nadgleda suđenje na takmičenjima iz kalendara Karate Saveza Bosne I Hercegovine.
- 2.4. Šefovi borilišta ocjenjuju sudije ocjenom od 1-5 koristeći parametre Sudijske komisije WKF odnosno EKF.
- 2.5. Sudiji koji za svoje suđenje bude ocijenjen ocjenom jedan (1) odmah nakon takmičenja biće izrečena usmena opomena i neće biti delegiran za suđenja naredna 4 mjeseca od momenta dobijene ocjene jedan (1).
- 2.6. Sudiji koji u toku takmičarske sezone dva puta bude ocijenjen ocjenom jedan (1) bit će izrečena mjera posljednje opomene i neće biti delegiran za suđenja narednih 6 mjeseci od momenta dobijene ocjene jedan (1).

- 2.7. Ukoliko se i poslije izricanja posljednje opomene nastavi trend lošeg suđenja ili sudija tri puta bude ocjenjen ocjenom jedan (1) komisija će sudiji ukinuti licencu na period ne duži od godinu dana (do prvog narednog redovnog licencnog seminarara).
- 2.8. Sudija kojem je oduzeta licenca ima pravo žalbe Upravnom odboru Saveza u roku od 15 dana od dana obavještanja.
- 2.9. Sudiji će biti ukinuta licenca ukoliko na licencnom seminaru ne ispuni uslove iz tačke 5.11. ovog pravilnika. Odluka o ukidanju licence saopštava se odmah po završetku seminarara.
- 2.10. Ukoliko se zbog težeg kršenja pravila takmičenja podnese službeni protest koji bude prihvaćen od strane odbora za proteste, Komisija može ukinuti licencu pojedincu ili kompletnom sudijskom panelu. Licence se ukidaju na period ne duži od godinu dana (do prvog narednog redovnog licencnog seminarara).
- 2.12. Komisija će informisati Upravni odbor nakon svake izrečene mjere ukidanja licence.
- 2.13. Komisija vrši delegiranje sudija za takmičenja iz kalendara KS BiH i daje saglasnosti za suđenje na međunarodnim takmičenjima u inostranstvu. Komisija može po potrebi delegirati i sudije sa entitetskim zvanjima na zvaničnim državnim prvenstvima, izbornim turnirima ili turnirima iz kalendara karate saveza BiH. U pravilu saglasnost za suđenje u inostranstvu mogu dobiti međunarodne EKF i WKF sudije. Komisija može saglasnost dati i sudijama sa državnim zvanjem vodeći računa o kvalitetu sudije koji traži saglasnost i nivou takmičenja.
- 2.14. Suđenje bez naloga o delegiranju odnosno saglasnosti za suđenje, za posledicu ima suspenziju sudije u trajanju od godinu dana od donošenja odluke o suspenziji. Odluku o suspenziji donosi komisija.
- 2.15. Suspendovani sudija ima pravo žalbe. Žalba se podnosi Upravnom odboru u roku od 5 dana od dana obavještanja o suspenziji. Podnošenje žalbe ne odlaže suspenziju.
- 2.16. Za suđenje na entitskom i kantonalnom nivou nije potrebna saglasnost komisije Karate Saveza Bosne i Hercegovine.
- 2.17. Komisija samostalno ili po nalogu Upravnog odbora KS BiH obavlja i sve ostale poslove vezane za sistem suđenja u Karate savezu BiH.
- 2.18. Komisija vodi registar državnih, BKF, EKF i WKF sudijskih zvanja.

### **3. SUDIJSKA ZVANJA**

3.1. Sudijska zvanja u Karate savezu Bosne i Hercegovine su:

1. Državni pomoćni sudija za borbe i kate
2. Državni glavni sudija za borbe i kate

- 3.2. Međunarodne sudije (EKF i WKF) koje ne izvrše licenciranje na evropskom odnosno svjetskom nivou, licenciranje mogu izvršiti na državnom nivou.  
Ove sudije zadržavaju status WKF, EKF sudije osim naknade za rad (sudijske takse). Naknada za rad se utvrđuje na osnovu važeće licence.

#### **4. USLOVI ZA STICANJE ZVANJA**

- 4.1. Kandidati za državnog pomoćnog sudiju za borbe i kate moraju imati zvanje u karateu minimum 2. Dan i 20 godina starosti i minimalno jednu godinu aktivnog staža u zvanju glavnog entitetskog sudije.
- 4.2. Kandidati za glavnog državnog sudiju za borbe i kate moraju imati zvanje u karateu minimum 2. Dan i 21 godina starosti i minimalno godinu dana aktivnog staža u zvanju pomoćnog državnog sudije.
- 4.3. Pod aktivnim stažom podrazumijeva se minimum jedno suđenje godišnje na zvaničnim prvenstvima ne računajući ono na kojem je zvanje dobiveno.
- 4.4. Iz reda sudija sa zvanjem i licencom Glavni državni sudija, komisija predlaže kandidate za odlazak na seminare za sticanje sudijskih zvanja BKF i EKF.
- 4.5. Minimalni uslovi za odlazak na seminar za sticanje sudijskog zvanja Balkanske Karate Federacije ( BKF).
1. Sudijsko zvanje Glavni državni sudija za borbe i kate
  2. Zvanje u karate minimum 2.DAN
  3. Minimum 23 godina starosti
  4. Poznavanje zvaničnog jezika BKF (engleski jezik)
- 4.6. Minimalni uslovi za odlazak na seminar za sticanje međunarodnog sudijskog zvanja Evropske Karate Federacije (EKF).
1. Sudijsko zvanje Glavni državni sudija za borbe i kate
  2. Zvanje u karate minimum 3.DAN
  3. Minimum 25 godina starosti
  4. Poznavanje jednog od zvaničnih jezika EKF (Engleski ili Francuski)
- 4.7. Iz reda sudija sa zvanjem i licencom glavni EKF sudija (Referee A) Komisija predlaže kandidate za odlazak na seminare za sticanje međunarodnog sudijskog zvanja Svjetske Karate Federacije (WKF)
- 4.8. Minimalni uslovi za odlazak na seminar za sticanje međunarodnog sudijskog zvanja Svjetske Karate Federacije (WKF).
1. Međunarodno sudijsko zvanje EKF Referee A.
  2. Zvanje u karate minimum 3.DAN
  3. Minimum 25 godina starosti
  4. Poznavanje jednog od zvaničnih jezika WKF( Engleski ili Francuski)

#### **5. Sticanje i licenciranje zvanja**

- 5.1. Kandidati za sticanje i licenciranje sudijskih zvanja podnose predprijavu za učešće na seminaru.  
Predprijava se podnosi Komisiji putem kancelarije Saveza na propisanom obrascu ( e-mail) najkasnije 15 dana prije datuma određenog za seminar.
- 5.2. Konačna prijava za seminar vrši se na dan održavanja seminara, prije početka seminara. Uplata propisane takse vrši se isključivo na transakcijski račun Saveza (taksa za polaganje po disciplini iznosi i to:  
- kate -100,00 KM  
- borbe – 100,00 KM  
- obadvije zajedno 150,00 KM)  
Potvrdu o uplati kandidati predaju Komisiji uz konačnu prijavu.
- 5.3. Sudijska komisija određuje pitanja za teoretski dio ispita.
- 5.4. Na kraju predavanja održat će se teoretski ispit. Kandidat je uspješno položio teoretski dio ispita ukoliko je tačno odgovorio na 90% pitanja (kate i borbe).
- 5.5. Praktični dio ispita se sastoji od posmatranja kandidata i uočavanja njegovih dobrih i slabih postupaka i ispravo ili pogrešno donijetih odluka.  
Kandidatu se nakon praktičnog dijela ispita saopštava privremeni rezultat.  
Konačan rezultat se saopštava nakon suđenja na takmičenju, uz koje se održava seminar.
- 5.6. Pisani izvještaj o održanom seminaru komisija koja je održala seminar dostavlja Sudijskoj komisiji. Sudijska komisija finalni izvještaj dostavlja Upravnom odboru Saveza.

### Licenciranje zvanja

- 5.7. Sve sudije su obavezne izvršiti licenciranje po programu sudijske komisije.  
Sudije sa zvanjima pomoćnog-glavnog državnog sudije će biti angažovani do svoje navršene 63 godine, dok će sudije sa važećom BKF, EKf ili WKF licencom biti angažovane do navršene 65 godine života.  
Međunarodne sudije sa važećom BKF, EKf ili WKF licencom nisu obavezne izvršiti licenciranje na državnom nivou.
- Konačna prijava za licenciranje vrši se na dan održavanja licenciranja.
- Uplata propisane takse vrši se isključivo na transakcijski račun Saveza (taksa za licenciranje po disciplini iznosi i to:  
- kate -100,00 KM  
- borbe – 100,00 KM  
- obadvije zajedno 150,00 KM)  
Potvrdu o uplati kandidati predaju Komisiji uz konačnu prijavu.
- 5.8. Sudijska licenca ima važnost dvije godine, a dobiva se na zvaničnim seminarima za sticanje sudijskih zvanja i licenciranje.
- 5.9. Program licenciranja određuje Sudijska komisija.
- 5.10. U slučaju značajnih izmjena Pravila takmičenja (sudijskih Pravila), u toku jedne

kalendarske godine, sve sudije bez obzira na zvanje i licencu su obavezne prisustvovati sudijskom seminaru na kojem će se pojasniti izmjene pravila (predavanje, teorijski ispit i praktični ispit uz zvanično državno prvenstvo) Sudije će prisustvom na predavanju za licenciranje i predviđenom državnom prvenstvu potvrditi važeću licencu.

Sudijama koji ne prisustvuju seminaru ukida se licenca.

5.11. Sudijama koji ne pristupe sudijskom seminaru ili polaganju teorijskog dijela ispita – praktičnog dijela na zvaničnom državnom prvenstvu ukidaju se licence.

5.12. Sudijama koji iz opravdanih razloga nisu u mogućnosti da prisustvuju seminaru za pojašnjenje izmjena pravila ili licencnom seminaru Upravni odbor KS BiH na zahtjev Komisije može produžiti licencu do narednog licencnog seminara.

## **6. ORGANIZACIJA SEMINARA I DRUGIH OBLIKA EDUKACIJE I USAVRŠAVANJA**

6.1. Sudijska komisija svojim programom rada planira održavanje seminara za školovanje i edukaciju sudija Karate saveza Bosne i Hercegovine.

a) Seminari za sticanje i licenciranje sudijskih zvanja u pravilu se organizuju uz zvanična prvenstva.

b) Ostali stručni seminari kao dodatan oblik edukacije, školovanja i usavršavanja (npr. kod izmjene sudijskih pravila, pripremnih seminara i dr.)

6.2. Program seminara za sticanje i licenciranje sudijskih zvanja utvrđuje Komisija.

Predavanja i polaganje za sudijska zvanja ili produženje licence provodi tročlana ispitna komisija koju iz reda WKF, EKF i „starijih“ državnih sudija, imenuje Sudijska komisija Karate saveza Bosne i Hercegovine.

Ispitna komisija odluke donosi nadpolovičnom većinom. Kandidatima koji polože ispit i steknu sudijsko zvanje Sudijska komisija Karate saveza BiH izdaje diplomu (certifikat) o stečenom sudijskom zvanju.

### **Uslovi za tehničku organizaciju seminara**

6.3 Upravni odbor KS Bosne i Hercegovine, na prijedlog Sudijske komisije, kalendarom aktivnosti utvrđuje tehničkog organizatora i datum održavanja seminara.

Seminar se u po pravilu održava uz zvanično državno prvenstvo.

6.4. Upravni odbor Saveza na prijedlog Sudijske komisije utvrđuje visinu seminarske takse za sticanje i licenciranje sudijskih zvanja.

6.5. Tehnički organizator seminara je dužan da najmanje 30 dana prije datuma održavanja seminara dostavi Komisiji sve potrebne pojedinosti, a Komisija putem Saveza o tome obavijestiti sve registrovane klubove.

- 6.6. Satnicu seminara utvrđuje Sudijska komisija Karate saveza BiH i 15 dana prije početka seminara preko kancelarije Saveza dostavlja klubovima. Satnica je obavezna za sve učesnike. Nepoštovanje satnice za sobom povlači isključenje sa seminara.
- 6.7. Za seminar za sticanje i licenciranje sudijskih zvanja tehnički organizator je dužan da obezbjedi najmanje dvadeset kvalitetnih takmičara za borbe i osam takmičara za kate.
- 6.8. Organizator je dužan da obezbjedi prostoriju pogodnu za predavanje i ispit za 30 učesnika. Prostorija za praktični dio mora da ima borilište, dovoljan broj stolica za sve učesnike i svu ostalu opremu potrebnu za takmičenje.

## **7. DELEGIRANJE SUDIJA**

- 7.1. Delegiranje sudija vrši se na osnovu zahtjeva za delegiranje koji Tehnički organizator takmičenja dostavlja Sudijskoj komisiji putem kancelarije saveza najmanje 15 (petnaest) dana prije takmičenja.
- 7.2. Na svim takmičenjima u Bosni i Hercegovini mogu suditi samo sudije sa važećom licencom i od strane Sudijske komisije uredno izdatim nalogom za delegiranje.  
Delegiranje sudija za sva takmičenja iz kalendara aktivnosti Karate Saveza Bosne i Hercegovine vrši Sekretar uz saglasnost Predsjednika Komisije.  
Delegiranje se vrši putem e-mail adrese sudije nalogom za delegiranje.

Bez naloga o delegiranju sudije ne mogu suditi ni na jednom takmičenju iz kalendara aktivnosti Karate saveza BiH.

## **8. DUŽNOSTI I OBAVEZE SUDIJA**

- 8.1. Sve sudije su dužne da Savezu uplate propisanu godišnju članarinu koju na prijedlog Sudijske komisije utvrđuje Upravni odbor Karate saveza BiH. Visina godišnje članarine iznosi 100,00 KM za sudije sa WKF i EKF licencom, a za ostale sudije sa zvanjima BKF, Glavni i pomoćni državni sudija 80,00 KM.
- 8.2. Sve sudije i kandidati na seminarima i takmičenjima obavezni su da nose propisanu sudijsku uniformu kako je to definisano sudijskim pravilima.
- 8.3. Sudija koji je delegiran za suđenje dužan je odmah, a najkasnije u roku definisanom u nalogu potvrditi prijem naloga i potvrditi dolazak na takmičenje, odnosno blagovremeno obavijestiti Sudijsku komisiju o razlozima nemogućnosti dolaska na takmičenje.
- 8.4. Sve sudije bez obzira na sudijsko zvanje obavezne su prisustvovati sudijskom sastanku (brifingu) koji se održava 30 minuta prije početka takmičenja.
- 8.5. Za sve što nije regulisano ovim Pravilnikom primjenjuju se odredbe drugih normativnih akata i odluke Upravnog odbora Karate saveza BiH.
- 8.6. U slučaju da se na seminaru pojavi problem koji nije regulisan ovim Pravilnikom, drugim normativnim aktima Saveza ili odlukama Upravnog odbora odluku o tome donosi predsjednik komisije koja je imenovana za vođenje seminara.

- 8.7. U slučaju da se na takmičenju pojavi problem koji nije regulisan ovim Pravilnikom, drugim normativnim aktima Saveza ili odlukama Upravnog odbora odluku o tome donosi Vrhovni sudija.
- 8.8. Delegirane sudije ne mogu obavljati ni jednu drugu funkciju na takmičenju.

## **9. FINANSIJSKA PITANJA**

- 9.1. Savez obezbjeđuje sredstva za rad Sudijske komisije.  
Prihodi sa sudijskih seminara i godišnje članarine sudija pripadaju Savezu.  
Za rad na seminarima predavačima, članovima ispitne komisije, pripada naknada za rad u skladu sa odlukom Upravnog odbora Saveza.
- 9.2. Sudijama delegiranim za takmičenja pripada sudijska taksa (naknada za rad) čiju visinu posebnom odlukom određuje Upravni odbor Saveza na prijedlog Komisije.
- 9.3. Predavači na seminarima, članovi ispitnih komisija i delegirane sudije imaju pravo na troškove hotelskog smještaja, troškove putovanja i dnevnice u skladu sa pozitivnim zakonskim propisima Federacije BiH ili Republike Srpske (u zavisnosti od mjesta održavanja takmičenja), normativnim aktima i odlukama Upravnog odbora Saveza.

## **10. ZAVRŠNE ODREDBE**

- 10.1. Tumačenje ovog pravilnika u prvom stepenu daje Sudijska komisija odnosno Vrhovni sudija na samom takmičenju, a u drugom stepenu Upravni odbor Saveza čija je odluka konačna.
- 10.2. Entitetski Karate savezi su dužni da u roku od 30 dana svoje Pravilnike usaglase sa ovim Pravilnikom.
- 10.3. Izmjene i dopune Pravilnika vrše se po postupku njegovog usvajanja
- 10.4. Pravilnik stupa na snagu danom donošenja. Stupanjem na snagu ovog pravilnika prestaju da važe odredbe Pravilnika o radu Sudijske komisije Karate saveza Bosne i Hercegovine br. \_\_\_\_\_ od \_\_\_\_\_ godine.

Broj: UO-10-02/20

Sarajevo, 08.10.2020. godine

**PREDSJEDNIK KARATE SAVEZA  
BOSNE I HERCEGOVINE**

**Miroljub Kremenović**